



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ediisyong Hiligaynon
Espesyal nga Isyu
Nobyembre 8, 2005
www.philippinerevolution.org

Mga kritikal nga komentaryo sa mga atake nga anti-PKP sang ginatawag PKP-1930

Partido Komunista sang Pilipinas

Ang masunod amo ang mga ginsipi halin sa isa ka artikulo sang ginatawag PKP-30. Ining grupo daan nga ikog sang gahum sadto nga rebisyunista nga partidong Soviet kag nakighimbon sa pasista nga diktaduryang Marcos sang patago umpisa 1972, kag hayagan umpisa 1974. Halin 1972, ang mga yabi nga lider sang PKP-30 (halin kay Federico Mac-lang, anay myembro sang PKP-Politburo 1950) gin-arkilahan bilang mga ahente sa paniktik sang gubyrno sang Manila batuk sa Partido Komunista sang

Pilipinas. Ang subong nga pangkabilugang sekretaryo sang PKP-30 nga si Pedro Baguisa kag iya mga kaupdanang padayon nga ginakaptan kag ginaproteksyunan ni Col. Ernesto Macahiya, nga katapu man sang Komite Sentral sang 1972 sang Lavaista nga partido nga ginsundan sang PKP-30.

Ang nasambit nga artikulo sang PKP-30 ginpublisar sa *online* nga isyu sang Political Affairs sining Oktubre 31-Nobyembre 6. Ang Political Affairs nagapakilala nga “pahayagan sang Communist Party,

USA,” isa ka rebisyunistang partido nga madugay na nga nabuyagyag indi lamang bilang tagasunod sang anay nagahari nga partidong Soviet kundi bilan isa man ka grupo nga ginapamugaran sang US Federal Bureau of Investigation. Pulu-panahon nga nagapublisar ini sang materyales halin sa PKP-30.

Ginasundan sang mga kritikal komentaryo ang mga partikular nga sipi sang malala nga pagtiko sa datos ukon lubos nga kabutigan kag sa sini dapat tadlungon kag ipaathag.

Partido Komunista sang Pilipinas (PKP-1930) magasaulog sang ika-75 anibersaryo sa Nobyembre 7, 2005

Saulugon sang PARTIDO KOMUNISTA SANG PILIPINAS (PKP-1930) ang ika-75 anibersaryo sang iya pangpubliko nga proklamasyon sini sadtong Nobyembre 7, 2005, kadungan sa ika-88 nga anibersaryo sang Dungganon nga Sosyalista nga Rebolusyong Oktubre.

Komentaryo: Ang bilog nga una nga parapo ginpabilin. Ginkuha ang sumunod nga napulo ka parapo. Sa kabilugan husto ang mga ini bisan pa nga may pila nga indi husto sandig sa kasaysayan. Pero, pasakalye lang ang mga ini sa mga atake kontra sa PKP. Ang pagtukod ni Kaupod Crisanto Evangelista sa PKP sadtong 1930 ginalantaw bilang ginsuguran sang Partido Komunista sang Pilipinas nga liwat gintukod sadtong 1968 sa teoritikal nga ubay sang Marxismo-Leninismo-

mo-Kaisipang Mao Zedong. Sa kamatuoran, ang pinakatigulang nga mga katapu sang gintukod liwat nga PKP malapit kay Evangelista umpisa sadtong temprano nga dekada 1930. Nagalakip ini kanday Kaupod Max Gutierrez kag Felixberto Olalia. Nauna pa sila sa mga Lava kag mga Lavaista nga wala pa sa PKP antes ang 1935.

Ngaa liwat gintukod ang PKP sadtong 1968? Ini agud tadlungon ang mga kasaypanan sa pagtingub sang PKP kag Partido Sosyalista sadtong 1938 (sang ang PKP nangin tingub nga partido sang PKP kag PS) kag ang mas malaut pa nga mga kasaypanan nakomiter sang nagbinulos-bulos nga sang dinastiya sang mag-ulutod nga Lava (Vicente, Jose kag Jesus) nga nagbun-ag sang oportunismo, halin sa Tuo pakadto sa “Wala” kag halin sa “Wala” pakadto sa Tuo kag labi nga naghalit sa PKP kag rebolusyonaryong kawsa sa pumuluyo. Nakabenepisyo ang liwat nga pagtukod sa Marxismo-Leninismo-Kaisipang Mao Zedong kag sa Marxista-Leninista nga paghimakas batuk sa moder-

nong rebisyunismo sa bug-os nga kalibutan.

Wala kulba nga gin-organisa s ang PKP ang Hukbo ng Bayan Laban sa Hapon (HUKBALAHAP) nga nangin pangunahon nga gerilyang hangaway nga nagbatu sa mga mapanakop nga pwersang Hapones. Isa ka libo kag dos siyentos ka beses nga nakigsumpong ang mga iskwadron sang HUKBALAHAP sa mga pwersang Hapones kag mga papet nga pwersa sini halin Marso 1942 tubtub sa katung-anan sang 1945, kag nagtuga sang mga 25,000 nga kaswalti (kadam-an mga lokal nga papet). Sang matapos ang gera, ang HUKBALAHAP may kusog nga 20,000 nga armadong regular kag 50,000 nga reserbang pwersa, nga suportado sang baseng masa nga masobra sa tunga sa milyon nga pumuluyo sa mga banwa kag prubinsya sang Central Luzon kag Southern Tagalog kon sa diin ang anay mga asyenda ginpanagtag kag natukod ang mga Probisyunal nga Rebolusyonaryong Gubiyernong Lokal.

Komentaryo: Ang mayor nga gerilyang hangaway batuk sa Japan amo ang USAFFE nga nagpapas sa 100,000 sang kabilugan nga 150,000 nga tropang Hapones nga ginapamunuan ni General Yamashita sa iya katapusan nga kuta sa Cordillera. Ang maksimum nga numero sang riple sang HUKBALAHAP, halin sadtong hingapusan sang World War II tubtub ginhingalanan ini bilang Hukbong Mapagpalaya ng Bayan naglab-ot sa 3,500 lang (lakip ang mga baril nga *single shot*.) Ang gamay nga numero nga ini resulta sang Tuo nga oportunistang polisiya sang “mag-atras para magdependa” sang pamunuan Vicente Lava nga nagtulunga sa mga armadong iskwadron sang HUKBALAHAP sa ginagmay nga tim sang tatlo asta lima nga hangaway kag umuntod sa pagdaku sang hangaway sang banwa halin sadtong ulihing tunga sang 1942 tubtub sa temprano sang 1944 (halos bilog nga panahon sang okupasyon sang Hapon). Mas sobra sa tunga sa milyon ang baseng masa sang armadong rebolusyon lunsay sa Central Luzon kag Southern Tagalog.

Ang nagalala nga mga hitabo sa idalum sang neokolonyal nga kahimtangan sadtong 1949 nga naglab-ot sa sayup nga pagtasa ang pamunuan Jose Lava sang PKP nagluntad sadto ang isa ka “rebolusyonaryong sitwasyon”, nga nagpadayon sa pag-organisa sang Hukbong Mapagpalaya sang Bayan (HMB) kag sa paglunsar sang armadong pag-agaw sang gahum. Nalutos ang armadong pag-alsa sadtong katung-anan sang

dekada 1950, kag napatay diri ang halos 10,000 nga rebolusyonaryo, kadam-an mga beterano nga HUKBALAHAP.

Komentaryo: Ang “Wala” nga oportunismo sang liderato Jose Lava nagatum-ok sa pagtumod sa krisis nga kahimtangan nga may krisis ang Pilipinas sang 1949 kundi sa pagtuyo nga agawon ang gahum pangpulitika sa sulod sang duha ka tuig paagi sa “todo-todo nga armadong paghimakas”, nga wala sang paghatag tum-ok sa hulu-halintang nga pagpauswag sang inaway bansa, sa rebolusyong agraryo kag sa pagtukod sang baseng masa. Sa sulod sang duha ka tuig matapos madakop ang liderato Jose Lava sadtong Oktubre 1950, nabali ang taludtod ukon pangunahong mga yunit sang HMB. Pagkatapos sini, nagpatuman ang pamunuan Jesus Lava sang Tuo nga oportunistang linya, nga nagatuyo nga itransporma ang hangaway sang banwa bilang “brigada pang-organisasyon” sang 1955 kag lusawon ang PKP paagi sa polisiya nga “isa ka linya” sadtong 1957. Ginatabunan sang PKP-30 ang mga hitabo nga ini sa kasaysayan.

Pagsampot sang temprano nga bahin sang dekada 1960, kinahanglan tukuron liwat ang PKP kag magsaylo halin sa tago nga armadong paghimakas pakadto sa dalan sang hayag nga pangpulitikang paghimakas. Ang liwat pagtukod sang Partido gintigayon kadungan sa pagtukod liwat sang mga organisasyong masa—ang Malayang Samahang Magsasaka (MASAKA), ang Congress of Trade Unions of the Philippines (CTUP) kag pila ka mga pederasyon sang mga obrero, ang Kabataang Makabayan, kag ang multi-sektoral nga Movement for the Advancement of Nationalism (MAN). Pero ang pagtukod liwat sang PKP kag mga organisasyong masa sini ginasablagan sang pagtuhaw sang maoismo sadtong 1966 kag sang sumunod nga banggianay Sino-Soviet. Sa impluwensya sang ginatawag “dungganon nga proletaryo nga rebolusyong pangkultura” sa China, isa ka Maoistang grupo sang pamatan-on sa sulod sang Partido ang ginaorganisa ni Jose Ma. Sison, katapu sang Kawanihan Pampulitika. Gusto ni Sison nga padayunon ang ang adbenturista nga armadong paghimakas sa sandig sa tesis ni Mao nga nagaluntad ang “pangkalibutanon nga rebolusyonaryong sitwasyon”, samtang ang mga beterano nga nagabug-os sang mayorya nga pinuno sang PKP nagapanindugan nga wala sang rebolusyonaryong sitwasyon sa pungsod kag ang armadong paghimakas wala paglaum nga dalan sa

pag-agaw sa gahum pangpulitika sa Pilipinas.

Komentaryo: Antes ang 1960 wala sang nabilin bisan isa ka sanga sang PKP (ukon mas tama nga ham-balon, sang daan nga gintingub nga partido sang komunista kag sosyalista). Pasaylu--saylo na lang sang panaguan sa Maynila nga si Jesus Lava, ang pangkabilugan nga sekretaryo, nga nahamulag sa masa kag sa mga nabilin sang hangaway sang banwa. Si Kaupod Jose Maria Sison ang nagpauswag sa mga likum nga grupo sang Marxista nga pagtuon kag mga hayag nga demokratikong organisasyon sang mga estudyante sa pila ka unibersidad halin 1959 asta 1961. Sang sipaon siya trabaho bilang manunudlo sadtong 1961, nagpultaym siya bilang organisador sang mga seminar nahangungod sa teorya, pulitika kag unyonismo sa tatlo ka mayor nga pederasyon sa pagtrabaho (PAFLU, NATU kag NAFLU) kag sa pila ka mayor nga independenteng unyon.

Sadtong ulihi nga bahin sang 1962, gin-imbatar ni Jesus Lava si Kaupod Sison nga mag-entra sa PKP kag gilayon nangin myembro sang Komiteng Tagapagpatuman sang PKP ukon Daan nga Gintingub nga Partido (DGP). Ini ang nangin Kawanihan Pangpulitika sang ulihi. Sadtong 1963, gin-angot ni Sison ang MASAKA (nga ginapamunuan sadto ni Felixberto Olalia) sa PKP. Gintugyanan man siya nga maghatag sang mga repaso nga pagtuon sa Marxismo-Leninismo sa mga lider sang MASAKA agud liwat palig-unon ang istatus nila bilang katapu sang PKP. Gintukod niya ang Kabataang Makabayan sadtong 1964 halin sa padayon niya nga hilikuton sa kubay sang mga pamatan-on umpisa 1959. Ang CTUP isa ka gamay nga pederasyon nga ginabug-os pangunahon sang magagmay nga unyon sang mga mamumugon sa imprenta kag tableriya.

Antes pa man makilala niya ang sin-o man sa dinastiyang Lava, madugay na nga malapit na si Sison sa pila ka mas tigulang nga kaupod nga kritikal sa oportunistang Lavaista pero indi sila makadaug kay Jesus Lava bilang awtoridad agud tukuron liwat sang PKP. Paagi sa iya matutom nga pagtuon kag pagtinguha, ginasaligan si Sison sang mas tigulang kag bataon nga mga kaupod. Napilian siya bilang tagapangulo sang Kabataang Makabayan, bilang pangkabilugan nga sekretaryo kag pangaduha nga tagapangulo sang Workers' Party (nga sang ulihi ginhingalanan Partido Sosyalista sang Pilipinas) kag bilang pangkabilugan nga sekretaryo sang Movement for the Advancement of Nationalism.

Sa sulod sang PKP ukon DGP, sa umpisa pa lang, wala ginatago ni Sison ang iya panindugan sa mga halambalanon pang-ideolohiya, pangpulitika kag pangorganisasyon. Madinalag-on nga napangibabaw niya ang

Marxismo-Leninismo bilang pangunahon nga huyog sang Komiteng Tagapagpatuman batuk sa modernong rebisyunismo sadtong tinuig sang 1963 tuhtub 1965. Wala nangahas ang mga Lavaista nga hayagan nga kontrahin siya bangud sa pwersa sang iya pagrason kag sa iya yabi nga papel sa likum nga pagtukod sang partido kag sa hayag nga kahublagang masa.

Sa kada tuig nga maglipas, mapagros niya nga gininsister ang madalumn nga pagtuon sa kasaysayan sang partido kag sa nagaluntad nga kahimtangan sa pungsod kag sa bilog nga kalibutan. Nagapanawagan siya nga atubangon ang mga nagligad nga oportunismo sa PKP paagi sa pagtuon sa mga ini sa ubay sang rebolusyon sa China, ilabi na pagtukod sang partido nga proletaryado, sang hangaway sang banwa kag nagahiliugyong prente bilang mga hinganiban sang rebolusyong Pilipino. Malig-on siya nga nanindugan para sa Marxismo-Leninismo batuk sa modernong rebisyunismo sa malapad nga sakup sang mga isyu.

Gin-umpisahan sang mga Lavaista ang pag-angot sa rebisyunistang partidong Soviet kag pagpanglibak sa iya sadtong 1965 pagkatapos sulaton niya ang kasaysayan sang partido kag pangkabilugang report nga matalum nga nagsaway sa oportunista nga paghabyug-habyog sang Lavaista nga linya kag mga polisiya, halin sa Tuo pakadto sa "Wala" pabalik sa Tuo. Gin-asignar sa iya sang Komiteng Tagapagpatuman ang pagsulat sang mga ini. Ang lubos nga pagsipak sang mga Marxista-Leninista sa mga Lavaista nga rebisyunista natabo sadtong Abril 1967. Naglab-ot ini sa Una nga Dungganon nga Kahublagang Pagtadlong nga nagtulod sa liwat nga pagtukod sang PKP. Ang mga detalye angot sa sining mga hitabo makit-an sa mga sandigan nga dokumento sang liwat nga pagtukod sang PKP kag sa mga bag-ong libro pareho sang "The Philippine Revolution: The Leader's View" kag "At Home in the World: Portrait of a Revolutionary."

Sa kaadlawan ni Mao (Disyembre 26) sadtong 1968, pormal nga nagsipak sa PKP si Sison kag pila sa iya mga sumulunod paagi sa paglunsar sang "kongreso" agud tukuron ang maoista nga "Communist Party of the Philippines" (CPP). Ang pagtukod sang CPP, kag sang ulihi sang "New People's Army" (NPA) sini, tago nga ginasuportahan sang sadto Senador Benigno "Ninoy" Aquino kag daku nga tag-iya sang midya nga si Don Chino Roces, nga lunsay mga kilala nga ahente sang US CIA. Isa sa mga una nga mayor nga tikang sang CPP-NPA agud "padasigon" ang ginasisagahum nga "rebolusyonaryong sitwasyon" amo ang terorista nga pagpamomba sa

miting de-abanse sa Manila sang oposisyonista nga Liberal Party sadtong 1971. Ginpasibangud kay Marcos ang pagpamomba nga ini nga gingamit man niya nga rason para suspendiron ang writ of habeas corpus. Ang mga sumunod nga mga palpak nga dbenturistang aksyon sang CPP-NPA, nagalakip sang duha (2) ka nagpaslawan nga pagdungka sang mga armas sakay sa barko halin sa sadto maoista nga China, gingamit nga bangdanan ni Marcos agud ideklarar sang layi militar sadtong Septyembre 1972. Nagkadto sa wala ang ginapabugal sang CPP-NPA sa paglunsar sang “inaway banwa” bilang sabat sa deklarasyon sang layi militar. Samtang ang layi militar ginakinaiyahan sang malala nga pagtapna sang mga kinamatarung sibil kag pang pulitika, ginatampukan man ang panahon nga ini sang mga positibo nga pag-uswag nga sang ulihi nangin seryoso nga kabalak-an sang imperyalismo—ang pagtukod sang sektor pang-estado sa mga malahalon nga bahin sang ekonomya, partikular sa industriya; ang pagbukas sang mga diplomatiko, negosyo kag iban pang relasyon sa USSR kag iban nga sosyalistang pungsod; kag ang paging malapit sang Pilipinas sa Non-Aligned Movement. Sadtong Oktubre 1974, resulta sang negosasyon nga gin-umpisahan ni Marcos, ang PKP nagsulod sa isa ka pangpulitika nga kasugtanan sakon sa diin ang gin-sikway sang PKP ang armadong paghimakas, samtang si Marcos nagakilala man sa ligal nga pagluntad sang PKP, naghatag sang pagkilala sang guberno sa mga beterano sang HUKBALAHAP, nagpalapad sang sakup sang repormang agraryo sa mga lugar nga may impluwensya sang PKP, kag naghatag sang amnestiya sa nabilin nga mgabilanggo pulitikal nga katapu sang PKP kag HMB. Maluwas sa pagpormalisa sang pagsikway sa armadong paghimakas (nga isa ka dekada pa nga nagligad ginasigahum na nga wala pulos nga pamaagi sa pag-agaw sang gahum pangpulitika), ang pangpulitika nga kasugtanan sang 1974 wala makapugong sa PKP sa pagsaway sa mga pro-imperyalistang tikang ni Marcos.

Komentaryo: Nagsingki ang kabangis sang artikulo sa malaba nga parapo sa ibabaw. Gulpe ini nga ginplatar sang hayag nga kabutigan nga ang liwat nga pagtukod sang PKP likum nga ginasuportahan sang mga anti-komunista nga sanday Senador Benigno Aguino kag Chino Roces para lang sa ipalahid nga may ihibalo diri ang CIA kag ilikaw ang atensyon halin sa matuod nga papel sang CIA sa pagsuporta sa pagpanaog ni Marcos sang

pasistang diktadurya sa pumuluyong Pilipino.

Walay huya nga ginabasol sang artikulo sang PKP-30 ang PKP sa mga dalagku nga krimen ni Marcos kag hatagan pa sang rason ang pasistang diktadurya. Ginasulit sini ang patu-pato nga akusasyon ni Marcos nga ang PKP kag si Aquino amo ang sa likod sang pagmamomba sa Plaza Miranda. Pagkatapos, gindayaw sini ang pasista nga si Marcos bilang responsable kuno sa mga “positibo nga pag-uswag nga sang ulihi seryoso ginkabalak-an sang imperyalismo.” Nagatin-dog sini ang daan nga kabutigan sang PKP-30 nga si Marcos tiglawas sang industriyalista nga pungsodnong burgesya kag indi bilang daku nga burukrata-kapitalista nga tiglawas sang daku nga burgesya kumprador kag sahi sang agalon nga mayduta nga masinulundon sa imperyalismong US. Ginpakadaku sini ang angot sang pasista nga rehimeng Marcos sa sosyal imperyalistang Soviet agud ipakita nga si Marcos isa ka makabanwa nga burgesya sangsa isa ka tunay nga maasab nga papet sang imperyalismong US.

Lubos nga butigon sini nga ginasinggitan nga nagkadto sa wala ang inaway banwa nga ginasulong sang PKP, BHB kag pumuluyo kag ipabugal nga mas madamu ang benepisyo sang PKP-30 sa pagsurender kag nangin kasangkapan sa saywar kag paniktik sang pasista nga rehimeng Marcos. Ang matuod, ang mga rebolusyonaryong pwersa sang pumuluyo, sang PKP, BHB, NDFP, ang mga organo sang gahum pangpulitika kag mga organisasyong masa, nagbaskog paagi sa pagpakig-away sa pasistang diktadurya. Lubos nga naubusan sang kredibilidad ang PKP-30 sa pagpakighimbon sini sa pasistang rehimen kag nangin wala pulos ang guban sang mga ahente sa mga nabaw-ing nga lugar kon sa diin nagaluntad pa sila kag ginagamit sila sang pasista nga si Marcos sa pagsabwag sang maduguon nga intriga batuk sa pwersa kag baseng masa sang PKP kag BHB.

Sadtong 1972 tuhtub 1974, sang nagatuyo pa lang nga “kumbinsihon” nila ang mga anti-Marcos nga lider kag katapu nga dal-on ang linya sang surrender kay Marcos, gintortyur kag ginpatay sang maki-Marcos nga lider sang PKP-30 ang kadam-an nga lider kag katapu sang “Marxist-Leninist Group” nga ginapamunuan ni Dr. Francisco Nemenzo nga katapu sang Politburo sang PKP. Nahibal-an ini ni Marcos kag sang iya pangunahon nga upisyal sa *intelligence* ang patyanay nga ini paagi sa ila mga *double agent* nga sanday Federico Maclang kag Ernesto Macahiya.

Ang pangpulitika nga kasugtanan naghagtag sa PKP sang kahilwayan mag-organisa sa masa, kag sadtong 1975, natukod ang bag-o nga sektoral nga mga organisasyon agud magbulos sa

yadtong mga gindeklarar nga iligal sang ginpanaug ang layi militar. Sa bilog nga panahon ni Marcos, isa sa wala untat nga gina-insister sang PKP amo ang pagkuha sang mga base militar sang US kag ang katumanan nga hilway sa hinnganiban nukleyar ang Pilipinas; pagrespeto sa tawhanong-kinamatarung; kontrol sa mga korporasyong transnasyunal; pagpamatuk sa mga dikta sang World Bank kag IMF; makabanwa nga industriyalisasyon kag proteksyunismo sa ekonomya; kag mas hugot nga kooperasyon sa mga sosyalistang pungsod kag sa non-aligned movement para sa mas maayo nga kasugtanan sa negosyo, proteksyon sa kalinungan sang kalibutan, tapuson ang mga rasistang rehimen, kag mahilway ang tanan nga pungsod nga kolonya pa. Amo man ini ang mga demanda sang PKP sang magtapos ang rehimeng Marcos; sa pihak nga bahin, luwas sa pagdula sa mga layi nga gingamit ni Marcos batuk sa mga kinamatarung sibil, ang rehimeng Cory Aquino kag mga sumunod sini napamatud-an nga pareho man kay Marcos nga masinulundon sa mga dikta sang imperyalismo. Ang subong nga rehimeng Arroyo may huyog sa pagtapna sa mga kinamatarung sibil kag pangpulitika, bisan wala sang pormal nga deklarasyon sang layi militar ukon emergency rule.

Komentaryo: Ginapagguwa sang PKP-30 sa una nga dinalan sa ibabaw nga ang “pangpulitika nga paghisugot” sini sa pasista nga rehimeng Marcos nahimo sini nga magtukod sang mga organisasyong masa nga pangbulos sa yadtong mga naobligar maghulag sang tago. Ginapagguwa man sini nga ang PKP-30 ang nagapamuno subong sa mga organisasyong masa nga padayon nga nagabatu sa mga rehimen nga nagbulos kay Marcos. Agud tiplangon ang kuno mga utod sini nga rebisyunistang organisasyon sa iban nga pungsod, ginapagguwa sang PKP-30 nga natukod kag sa kontrol sini ang mapagros nga ligal nga mga organisasyong masa sang pungsodnon demokratikong kahublagan. Ang matuod, halin 1974 inutil na ang PKP-30 maluwas sa nangin hubon sang mga espiya kag ahente sa propaganda sang pasista nga rehimeng Marcos tubtub 1986. Umpisa 1986, nagbaligya ini sang iya pangpulitika nga serbisyo sa nagsulunod nga rehimen. Pero wala man ini ginahatagan sang pangpulitika nga kabilinggan sang mga rehimen nga nagbulos kay Marcos bangud nadulaan na ini sang pulos bisan kasangkapan sa kontra-rebolusyon. Nagpadayon na lang ini bilang kasangkapan sa saywar kag paniktik sang reaksyunaryo nga AFP kag pulisya nasyunal.

ANG BAYAN Nobyembre 8, 2005

Sa internasyunal nga patag, padayon nga ginapakamalaut sang PKP ang maoismo kag “bag-o nga wala” nga adbenturismo bilang mga espesyal nga kasangkapan sang imperyalismo agud tungaon ang internasyunal nga kahublagang komunista, ang sosyalistang komunidad, ang internasyunal nga kahublagan sang sahing mamumugon kag ang mga kahublagang para sa pungsodnon nga pagpahilway. Kadungan man, ginsaway sang PKP ang maki- tuo nga mga huyog sa pila ka partido nga “Euro-komunista” nga nagtindog sa plataporma nga anti-Soviet kag pagkundenar sa diktadurya sang proletaryado sadtong dekada 1980. Hugot nga ginasuportahan sang PKP ang internasyunalistang pagbulig sang Vietnam para sa kahilwayan sang Cambodia, bisan nga ang maoista nga PKP padayon nga nagasuporta sa rehimeng Khmer Rouge nga nagapatuman sang henosidyo. Sang ulihi, sa pagkabalaka angot sa nagabaskog nga di makasahi nga mga konsepto sadtong panahon sang “perestroika”, ginsaway sang PKP ang mga deklarasyon ni Gorbachov nga nagasuporta sa pagpabilin sang mga baseng militar sang US sa Pilipinas, samtang ang masa sang aton pumuluyo nagasinggitan para sa gilayon nga pagbungkag sang mga ini. Ang masubo nga palad, indi amo kabaskog ang ginsaway sang PKP ang mga Tuo nga huyog sa sulod sang CPSU nga naglab-ot sa pagkabungkag sang USSR kag sa sosyalistang komunidad sang guban Gorbachov-Yeltsin-Shevardnadze nga ginpalakpakan sang imperyalismo.

Komentaryo: Ang parapo sa ibabaw masiling nga mabaskog sa hambal sang gamay nga paka, nga nagabasol sa mga Maoista kag indi sa mga rebisyunista sa pagtulunga sang internasyunal nga kahublagang komunista kag dason nagpalagas nga tani mas daku pa tani nahimo sini sa pagsaway sa “mga Tuo nga huyog” sa CPSU. Kon nagsaway gid man ini, basi wala ini makabaton sang mga libreng tiket sa eroplano kag bayad sa hotel nga ginahatag sang mga rebisyunistang partido nga maki-Soviet para makatambong sa madamu nga kongreso kag kumperensya.

Sa subong, nagasipsip ang PKP-30 sa isa ka partido sa Southern Europe nga nagaimbitar gihapon sa mga pagtililipon kag nagasabat sa pamasaha sini sa eroplano kag bayad sa hotel. Bug-os ang panindugan sang Marxist-Leninista-Maoista nga PKP nahangod sa rebisyunistang linya halin kay Khrushchov pakadto kay Brezhnev kag Gorbachov nga sang ulihi nagguba sa Soviet Union. Sang ulihi, ang mga rebisyunistang Soviet kag mga kriminal nga kolaboreytor nila nagkam-

byo sa hayagan kag lubos nga nagpanumbalik sa kapitalismo sadtong 1989-91 agud lubos nga legalisahan ang ila kinawatan kag lubos nga isapribado ang mga propyedad publiko. Para sa isa ka kumprehensibo nga pagtalakay sa pagkapukan sang CPSU kag sang Soviet Union, ginaimbitar namon ang mga bumalasa nga tun-an ang Manindugan para sa Sosyalismo Batuk sa Modernong Rebisyunismo.

Sa malain nga palad sang PKP, madamu sa mga nadisgusto bunga sang mga hitabo sang 1989-1991 naghalin sa PKP, ilabi na yadtong halin sa mga intelektwal, kag nabuhinan san katunga ang katapuan sang PKP pakadto sa 2,000 na lang sining nagligad nga dekada.

Sadtong panahon man nga ina sa sulod sang maoista nga PKP, ang mga pamangkutanon nahanungod sa kahustuhan sang “rebolusyonaryong sitwasyon”, nahanungod sa kakinahanglanon nga padayunon ang armadong paghimakas kag linya sang “palibutan ang kasyudaran halin sa kaumhan”, kag sa kakinahanglanon maghiwat sang ika-2 Kongreso agud rebisahan ang mga maosista nga mga dokumento sang PKP sadtong 1968, nagpadulong sa maduguon nga mga purgahan. Sunod-sunod nga pagsipak sa sulod sang maoista nga PKP nabunga sang pagtukod sang 4 nga iban (“rejectionist”) nga mga partido nga lain-lain ang panan-awan halin sa sosyal-emokrata tuhtub sa trotskyista, kag 2 sa mga partido nga nagsipak nagamentenar sang ila taga ka armadong grupo batuk sa BHB sang PKP. Sa sini, ang maoista nga PKP kag iya nagsipak nga mga grupo nagainaway gihapon sa mga estratehikong alambalanon nga naresolbar na sa sulod sang PKP sadto pa nga dekada 1960.

Komentaryo: Ginareport sang PKP-30 sa ibabaw nga nagtibusok sang katunga lang ang iya katapuan sa 2000 sadtong nagligad nga dekada, bunga sang disgusto sa sulod sa mga hitabo sadtong 1989-91 (nga ginasigahum sang PKP nga pagbagsak sang mga rebisyunistang rehimen nagpatay sa sosyalismo paagi sa rebisyunismo). Matapos sang tanan nga pagpabugal nga ini nagbaskog bangud sa iya pakighimbon sa pasista nga rehimeng Marcos, bangud sa iya maki-Soviet nga rebisyunistang linya kag bangud sa antagonismo sini sa armadong rebolusyon sang pumuluyong Pilipino, solo mapabugal sang PKP-30 amo nga nagsaka sa pinakataas nga katapuan sa 4000 sadto, sa pihak sang nagapabilin kag labing nagalala nga krisis sang malakolonyal kag malapyudal nga nagaharing sistema, nga lunsay

matambok nga duta para sa rebolusyonaryong hilikuton.

Kadungan man sini, ginapagguwa sang PKP-30 nga ang Ikaduha nga Dungganon nga Kahublagan Panadlong labing nagpaluya sa PKP. Ining kahublagan isa ka kahublagan pang-edukasyon nga nagatadlong sa mga malala nga kasaypanan kag krimen sang pila nga nagaliw-as sa rebolusyonaryong banas. Tuman nga napaslawan ang PKP-30 sa pagtuyo sini nga ilarawan kag haluon ang kahublagan panadlong kag ang maduguon nga krimen nga ginhimo sang mga malaut nga traidor.

Bangud sa kahublagan panadlong, ang PKP nangin mas mabaskog sangsa san-o pa man sa nagligad. Pila ka pulo ka libo ang katapuan sini kag madali na lang maglampuwas sa 100,000. Nagapamuno ini sa malapad nga sakup sang mga organisasyong masa kag may baseng masa nga naga-isip sang pila ka milyon. Nagahulag sa sulod sang masobra 130 prenteng gerilya ang BHB. Linibu-libo ang mga pultaym nga mga hangaway sini nga may mga ripleng awtomatiko, luwas sa madamu pa nga yara sa yunit milisya kag para sa pangdependensa sa kaugalingon. Ginapamunuan sang PKP ang mga organo sang gahum pangpulitika sa malapad nga erya sang kaumhan. Padayon nga ginapausswag sang National Democratic Front of the Philippines ang nagahiliugyong prente.

(Nota: Sugod sadtong ulihi nga bahin sang dekada 1980, gin-apid sa ang PKP ang tuig “1930” sa iya inisyal—PKP-1930, agud tuhayon ini sa maoista nga PKP nga nagsipak sa PKP sang 1968. Labi ini nga kinahanglanon bangud sa pagbaskog sang maoista nga terorista nga aktibidad umpisa sadtong panahon nga ina—ang pagpamomba sa mga tulay kag pagsabotahe sang mga riles sa Southern Luzon, ang pagpanunog sang mga pasilidad pangtransportasyon kag pangkomunikasyon sa nagkalain-lain nga bahin sang pungsod, sang pagkidnap sa mga Hapones kag iban nga negosyante agud ipatubos, sa pagpangilkil sa mga ginatawag “rebolusyonaryong buhis” kag ang pulu-panahon nga “election campaign fee,” mga atake sa mga relihiyosong grupo sa mga prubinsya sang Davao, ang pagtortur kag pagmasaker sa mga tagapamatuk sa pangsulod sang PKP-BHB [ginatawag “Oplan Missing Link” kag “Kampanyang Ahos”], kag ang pagpatay sa mga nanguna magsipak sa PKP/BHB—nga ginpagguwa sa midya bilang mga aktibidad sang “komunista” agud samaron ang matuod nga esensya sang panindugan nga

komunista.)

Komentaryo: Ang PKP-30 nagahulag bilang espesyal nga ahente sang imperyalismong US sa pagpagguwa nga ang armadong rebolusyon para sa pungsodnon nga kahilwayan kag demokrasya wala sang iban kundi terorismo. Ginaliwat-liwat sini ang pinamahigko kag pinakamanabaw nga atake sang mga reaksyunaryo AFP kag pulisya sang gubyernong Manila batuk sa PKP. Kadungangan sini, kipot ang bibig sang PKP-30 angot sa malala nga paglapas sa tawhanong-kinamatarung nga ginhimo batuk sa mga ginadudahan katapu sa rebolusyonaryong kahublagan kag sa ligal nga patriyotiko kag progresibong mga pwersa kag elemento sa Pilipinas. Ang mga himu-himo nga akusasyon nga ini sang PKP-30 ginsabat na sa madamu nga publikasyon sang PKP. Ang mga

bumalasa ginaimbitar nga magbisita sa Philippine Revolution Web Central <<http://www.philippinerevolution.org/index.shtml>> para sa husto nga impormasyon bahin sa PKP, BHB kag NDFP.

Bastante nga nabuyagyag naton ang anti-komunista, kontra-pumuluyo kag kontra-rebolusyonaryo nga kinaiya sang artikulo kag sang tagsulat sini, ang PKP-30. Ang pangunahon nga tum-ok sang artikulo amo nga atakehon ang PKP kag ang rebolusyong Pilipino sa baylo nga saulugon ang ika-75 nga anibersaryo sang pagtukod sang PKP ni Crisanto Evangelista kag iban pa nga kaupod sadtong 1930. Wala na sang kinahanglan para komentaryuhan pa ang iban nga bahin sang artikulo. Ang mga nabilin nga parapo lunsay ipokrito kag wala basehan nga kahambugan kag kalokohan, ukon sa isa ka pulong, puro basura. ^{AB}